


Appenzeller Brauchtum



„Göll – chenscht mi nüd...? 1969 Restoni Räss



Göll – chenscht mi nüd...!

1969

Ischt Narrezit – chomm mach au mit...
mer gönd als „wüeshti Wiiber“ hüt,
mer maschgerid – dass alls drab lacht...
ass menge druss e'Gwösse macht!

Mer nend en jede – Hofer – Bur...
enn om- de- ander chot i d'Kur,
mer luegid nüd uf Rang ond Grad...
ond sönd mit „spetzle“ nüd ograd!

Di gsiescht desen die – lueg au a...
sönd das Maniere för en Ma,
ond denn no pätsch vor allne Lüt...
jä- Alter schötzt vor Torhät nüd!

Göll du – mit dine Chrömertrick...
du triibsch mithee au sher dick,
du sötscht doch nüd als brave Ma...
de „Föfer ond au s'Weggli“ ha!

Ond du – los au – das macht si schlecht...
e „Lueder“ gescht för g'sond ond recht,
ind menscht no waul mit diner Lischt...
wenn au der ander b'schesse ischt!

Jetzt mö-mer aber hurtig go...
sös gets no Noe-weh – die ond do,
mer wartid nüd bis über- südt...
du tschau – brrr-brrr – göll chenscht mi nüd!

